

庶物類纂

木屬
自十至十四

卷

太政官文庫			
和書門類	特別	一二三六二號	第五十番函架
			四六五册

共十五

內閣文庫			
番號	和	32362	
冊數	465 (389)		
函號	54	1	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







庶物類纂木屬卷之十目次
裡

庶物類纂

木屬目次

檉

一名河柳爾雅一名殷柳鄭夾深雨師毛詩
 疏魚一名赤檉木本艸一名檉柳同上一名三
 春柳本艸一名長壽仙人柳本艸一名觀音
 柳同上一名西河柳證治一名垂絲柳同上
 人柳羣芳一名三眠柳同上一名西湖柳學圃
 一名御柳肇慶一名河栖柳海澄一名菩薩
 柳興化府志

無物類

卷之二

木屬 檉

檉

檉河柳爾雅

今河旁赤莖小楊晉郭璞爾雅註

檉一名河柳郭云今河旁赤莖小楊陸璣疏云生水

旁皮正赤如絳一名雨師枝葉如松宋邢昺爾雅疏

殷柳也生水畔其葉經冬變紅宋鄭夾漈爾雅註

赤檉木生河西沙地皮赤葉細即是今所謂檉柳者

又名春柳爾雅曰檉河柳郭璞云今河傍赤莖小楊

陸璣詩疏云皮正赤如絳一名雨師枝葉似松是也

無物類集 卷二 木屬 檉 二

其木中脂一名檉乳醫方稀用本州圖經

赤檉木人謂之三春柳以其一年三秀也花肉紅色

成細穗河西者戎人取滑枝為鞭京師甚多宋寇宗奭本州

行義

檉柳小幹弱枝挿之易生赤皮細葉如絲婀娜可愛

一年三次作花花穗長三四寸水紅色如蓼花色南

齊時益州獻蜀柳條長狀若絲縷者即此柳也段成

式酉陽雜俎言涼州有赤白檉大者為炭其灰汁可

以煮銅故沈炯賦云檉似柏而香王禎農書云山柳

赤而脆河柳白而明則檉又有白色者也明李東璧本州綱目

馬氏曰檉柳又名西河柳南北所在俱有喜生沙地

水旁寇氏曰汴京甚多取枝莖春月雨中挿之便生

李氏曰樹高丈餘幹小枝弱皮赤如絳枝葉如松至

五月下垂如絲一日三起三下穗長三五寸一歲三

次作花如蓼花微紅花氣如煙霧婀娜可愛明倪朱謨本州

彙言

赤檉柳治痧癘聖藥也得之毒自出可不死明繆仲醇炮炙

大法

檉亦名西河柳亦名垂絲柳明王有堂證治準繩

柳一種幹小枝弱皮赤葉細如絲縷婀娜可愛一年

三次作花花穗長二三寸色粉紅如蓼花名檉柳一

名雨師一名赤檉一名河柳一名人柳一名三眠柳

一名觀音柳一名長壽仙人柳即今俗所稱三春柳

也春前以枝挿之易生艸木子云大者為炭復入炭

汁可點銅成銀酉陽雜俎言梁州有赤白檉則檉不

特有赤又有白者矣明王蓋臣二如亭羣芳譜

漢苑中有柳狀如人號曰人柳一日三起三倒故江

賦云不比禁中柳終朝刺得三眠詩話同上

檉河柳生水旁皮正赤如絳一名雨師枝葉似松唐陸

璣毛詩艸木鳥獸蟲魚疏

赤白檉出涼州大者為炭復一曰傷入以灰汁可以

煮銅為銀唐段成式酉陽雜俎

檉曰河柳曰雨師曰春柳木中脂曰檉乳本艸謂之

赤檉木以其材赤故也大槩杉松之類而意態似柳

故謂之檉柳爾雅曰檉河柳其材可卷為盤合又曰

獲落郭云可以為杯器素此赤檉也又有一種名赤

楊又名水松與此相似而植之水邊其葉經秋盡紅人多植於門巷杜詩禎柳曉夜希即此也宋鄭夾深昆蟲艸木略

檉河柳郭璞以為河旁赤莖小楊也其皮正赤如絳而葉細如絲婀娜可愛天之將雨檉先起氣以應之故一名雨師而字从聖字說曰知雨而應與於天道木性雖仁聖矣猶未離夫木也小木既聖矣仁不足以名之音韻則赤之貞也神降而為赤云檉非獨能知雨亦能負霜大寒不彫有異餘柳蓋莊子以松


柏獨受命於地冬夏青青此舜之受命於天檉之从

聖亦以此歟宋羅願爾雅翼

木則天目松栝子松千頭柏纓絡柏金線柳皆佳品也次則丹楓石楠梧桐黃楊西湖柳烏絨樹土人謂之馬纓

花皆可植於水次明王敬美學圃雜疏

今園中有一種柳其葉如松而垂長數尺其幹亦與柳不類俗名為御柳夫詩人之咏御柳不過禁御中柳耳此則別是一種而強名之者也明謝肇淛五雜俎三輔故事漢苑中有柳狀如人形號曰人柳一日三



眠三起明陳仁錫潛確居類書

檉葉細而枝柔夏著花粉紅如粟一名西河柳八閩通志

檉葉細而枝柔夏著花粉紅如粟一名西河柳閩書

檉爾雅疏曰檉一名西河柳郭璞云今河旁亦莖小楊也陸璣云皮赤如絳一名雨師枝葉似杉福州府志

檉俗名河柳爾雅謂河柳翼曰葉細如絲婀娜可愛天將雨檉先起氣應之故名雨師而字以聖前夏著花粉紅如蓼汀州府志

觀音柳葉似柏而細重修靖江縣志

檉葉細而枝弱一名西河柳江陰縣志

細柳一名觀音柳青翠如髮而垂春三月開紅花如蓼寧波府志

檉赤柳生水旁皮色如絳細葉如絲俗呼御柳肇慶府志

檉俗呼西河柳吳縣志

檉俗名河柳爾雅所謂河柳也雅翼曰葉細如絲婀娜可愛天將雨檉先起氣應之故名雨師而字以聖前夏著花粉紅如蓼○梁簡文詠無慚雲母桂詎減珊瑚枝蓋昔人重之矣海澄縣志

木屬 檉

觀音柳葉細取浸水服涼雷州府志

西河柳一名菩薩柳葉如青蘿花繁碎如蓼花興化府志

檉似柏而香新修餘姚縣志

檉一名河柳俗名西河柳性浮為舟可以負重河間府志

檉葉細如絲秦州記

西河柳一名觀音柳一名垂絲柳又謂之檉柳小幹

弱枝植地即活葉細如絲倚娜可愛花穗長三四寸

水紅色如蓼花之狀其花遇雨即開宜植之水邊清石

巖逸叟增定致富奇書

柳西河其別種也清沈賦名花譜

檉柳一名觀音柳一名西河柳幹不甚大赤莖弱枝

葉細如絲縷婀娜可愛一年作三次花花穗長二三

寸其色粉紅形如蓼花故又名三春柳其花遇雨即

開宜植之水邊池畔若天將雨檉先起以應之又名

雨師葉經秋盡紅負霜不落春時杆挿易活清陳誤子祕傳

鏡花

西河柳一名檉柳又名雨師天之將雨必起氣以應

陰清之品也一日三眠故主解一日三烹之陽毒或

煎湯飲或諸方內皆可加而用之悶瘡不出喘嗽煩亂者用柳葉風乾為末調四錢頓服立止瘡即透發此神方也用砂糖調服兼可治瘡後痢疾清張士聰醫學要訣

瘡古名疹又名麻疹同上

治痧疹發未出喘嗽煩躁悶亂西河柳葉風乾為末水調四錢頓服砂糖調服兼可治疹後痢清陳三農證治大還

宋徽宗曰檉柳花曰珊瑚林清黃雲錦字箋

赤檉木一名西湖柳清馮兆張錦囊秘錄

赤楊當霜降後身葉俱赤又名檉柳清虞升聞諧聲品字箋

謹按此說非是

庶物類纂木屬卷之十一目次

娑羅樹

木屬目次

魚物類編 卷十一



娑羅樹

一名七葉木 歐陽文忠公集

俗名篤七

魚物類編 卷十一

木屬 娑羅樹 一

娑羅樹

盛弘之荊州記曰巴陵縣南有寺僧房牀下忽生一木隨生旬日勢凌軒棟道人移房避之木長便遲但極晚秀有外國沙門見之名為娑羅也彼僧所憇之蔭常著花細如白雪元嘉十一年忽生一花狀如芙蓉後魏賈思勰齊民要術

娑羅巴陵有寺僧房牀下忽生一木隨伐隨長外國僧見曰此娑羅也元嘉初出一花如蓮天寶初安西道進娑羅枝狀言臣所管四鎮有拔汗那最為密近

木有娑羅樹特為奇絕不庇凡艸不止惡禽聳幹無
漸於松栝成陰不愧於桃李近差官拔汗那使令採
得前件樹枝二百莖如得託根長樂擢穎建章布葉
垂陰鄰月中之丹桂連枝接影對天上之白榆唐段成式

酉陽雜俎

盛弘之荊州記曰巴陵縣僧寺林下忽生一木不旬
日勢凌軒棟道人移居避之木即長遲但極晚秀有
西域僧見之曰娑羅樹也彼僧所憩之蔭常著花至
元嘉十一年忽生一花狀如芙蓉太平御覽

謹按太平御覽又引魏王花木志曰娑羅樹細葉
子似椒味如羅勒嶺北人呼為大娑羅此似別種
而不同

伊洛多佳木娑羅舊得名常於佛家見空在月宮生
暗砌陰鋪靜虛堂子落聲夜風疑雨過朝露炫霞明
車馬王都盛樓臺梵宇閔惟應靜者樂時聽野禽鳴
定力院七葉水○宋歐陽文忠公集
世俗多指言月中桂為娑羅樹不知所起案酉陽雜
俎云巴陵有寺僧房牀下忽生一木隨伐而長外國

僧見曰此婆羅也元嘉中出一花如蓮唐天寶初安西進婆羅枝狀言臣所管四鎮拔汗那國有婆羅樹特為奇絕不庇凡艸不止惡禽近來得樹枝二百莖以進予比得楚州淮陰縣唐開元十一年海州刺史李邕所作婆羅樹碑云非中夏物土所宜有者婆娑十畝蔚映千人惡禽翔而不集好鳥止而不巢淺識者雖徘徊仰止而莫知真植博物者雖沈吟稱引而莫辨嘉名隨所方面頗證靈應東齊則青郊若而歲不稔西茂則白藏泰而秋有成嘗有三藏義淨還自

西域齋戒瞻嘆於是邑宰張松質請邕述文建碑觀邕所言惡禽不集正與上說同又有松質一書答邕云此土玉像爰及石龜一離淮陰百有餘載前後抗表尚不能稱賴公威德備聞所以還歸故里謹遣僧三人父老七人齋狀拜謝宣和中向子諲過淮陰見此樹今有二本方廣丈餘蓋非故物蔣穎叔云玉像石龜不知今安在然則婆羅之異世間無別種也吳興芮燁國器有從沈文伯乞婆羅樹碑古風一首云楚州淮陰婆羅樹霜露榮悴今何如能令艸木死不

朽當時為有北海書荒碑雨侵澀苔蘚尚想墨本傳
東吳正賦此也歐陽公有定力院七葉木詩云伊洛
多佳木娑羅舊得名常於佛家見宜在月宮生鉅砌
陰鋪靜虛堂子落聲亦此樹耳所謂七葉者未詳宋洪

邁容齋
四筆

娑羅樹出西番海中余在潯州時官圃一株甚巨每
枝生葉七片有花穗甚長而黃如栗花秋後結實如
栗可食正所謂七葉樹也今餘杭南安寺前二株左
右對植甚茂問之土人皆不知其名一僧乃云相傳

是娑羅樹番僧所植者此不謬矣唐李邕娑羅樹碑
云惡禽不集凡艸不庇東瘁則青郊若而歲不稔西
茂則白藏泰而秋有成是也第以段成式之博雅而
曰花開如蓮則大悖耳其樹詳于佛書維摩詰經有
菴羅樹唐會要云菩提樹一名皮羅樹葉似白楊即
思惟樹一名成道樹西域記名卑鉢羅雙樹名娑
羅樹其花名娑羅法今所稱娑羅法門也蓋娑婆音
同故互言之耳今月中樹影皆曰閻浮山娑婆樹影
即此歐陽永叔娑羅樹云伊洛多奇木娑羅舊得名

常于佛家見宜在月中生余嘗有遊南安寺詩昔聞
雙樹法今見兩娑羅徑艸何由第山禽自許過三花
空道士七葉隱嫦娥願作團欒相秋成處處歌
明田藝衡

雷青日礼

謹按娑羅樹每枝生葉七片或八九片有花穗甚
長而黃如栗花結實似栗段柯古所謂元嘉初出
一花如蓮蓋記其反常也雷青日礼駁之似不善
讀者也又謹按宋祁益部方物略記云娑羅花生
峨眉山中類枇杷數葩合房春開葉在表花在中

或言根不可移故俗人不得為玩聚葩共房葉附
花外根不得徙見偉茲世潛確居類書天台山有
娑羅樹花如芍藥香如茉莉八閩通志莎蘿樹高
丈餘幹直葉如天竹叢生於顛而圓覆類傘蓋土
俗祭厲時取二株樹於壇前因呼孤菟樹皆名同
而實異也又有莎羅綿樹

娑羅七葉竝生一名七葉樹府治內舊有娑羅亭
重修

鎮江府志

娑羅樹葉似柘相讓皮如玉蘭色蔥白最潔烏不棲

蟲不生_子能下_氣今處處有之貝多葉有三種此亦其一高高寺思惟樹亦貝多也成式續集武陵志白雉山有交讓木更歲迭榮說文葛_音枝枝葉葉相當箋以為娑羅樹_{清方以智通雅}娑羅樹產雅州瓦屋山今江淮古寺內及浙之昌化山中皆有之其本高數丈葉大似楠夏月多蔭而冬不凋初夏開花頗香實大如核桃栗殼色可治心痛病又聞瓦屋山者五色燦然若移他處則闇而多槁故不可多得_{清陳誤子祕傳花鏡}

庶物類纂木屬卷之十二目次

柳總


庶物類纂

木屬目次

類編
卷之二



柳



無
物
類
編
卷之二

木屬
柳

本草綱目卷之二十一 木部

柳

柳陶隱居云柳即今水楊柳也花熟隨風狀如飛雪
陳元方以為譬當用其未舒時子亦隨花飛正應水
漬汁爾柳花亦宜貼灸瘡皮葉療漆瘡唐本注云柳
與水楊全不相似水楊葉圓闊而赤枝條短硬柳葉
狹長青綠枝條長軟此論用柳不載水楊水楊亦有
療能本艸不錄樹枝及木中蟲屑枝皮味苦寒無毒
主痰熱淋可為湯煮洗風腫癢酒煮含主齒痛木
中蟲屑可為浴湯主風瘙癢癰瘡大効此人間柳樹

本草綱目卷之二十一

木屬 柳 二

是也陶云水楊非也嘉祐補註本艸

陳藏器云柳絮本經以絮為花花即初發時黃蕊子為飛絮以絮為花其誤甚矣江東人通名楊柳北人都不言楊楊樹葉短柳樹枝長上同

柳華葉實生琅邪川澤今處處有之俗所謂楊柳者也本經以絮為花陳藏器云華即初發黃蕊也子乃飛絮也採無時其枝皮及根亦入藥葛洪治癰疽腫毒妒乳等多用之韋宙獨行方主丁瘡及反花瘡並煎柳枝葉作膏塗之今人作浴湯膏藥齒牙藥亦用

其枝為最要之藥按楊柳異類今人謂柳為楊柳非也說文楊蒲柳也柳小楊也其類非一蒲柳其枝勁韌可為箭筈左傳所謂董澤之蒲又謂之葦符即上條水楊是也今河北沙地多生此又生水傍葉麤而白木理微赤曰杞柳鄭詩云無伐我樹杞陸璣云杞柳也其木人以為車轂共山淇水傍魯國汝水傍純生杞也又孟子云告子曰以人性為仁義猶以杞柳為柎椽是也今人取其細條火逼令柔韌屈作箱篋河朔尤多又下有赤椹木生河西沙地皮赤葉細即

唐物類彙編卷之十一

是今所謂檉柳者又名春柳爾雅曰檉河柳郭璞云今河傷赤莖小楊陸璣詩疏云皮正赤如絳一名雨師枝葉似松是也其木中脂一名檉乳醫方稀用故附於此本艸圖經

謹按檉柳雖有柳名其實種類大別也艸木略云檉大槩杉松之類而意態似柳故謂之檉柳

別說云謹按絮貼灸瘡良飛入池沼於陰暗處為浮萍嘗以器盛水置絮其中數日覆之即成又多積可下以捍作糞以代羊毛極柔軟宜與小兒臥蓋佳以性

涼也宋唐慎微證類本艸

柳華經曰味苦即是初生有黃蕊者也及其華乾絮方出又謂之柳絮收之貼灸瘡及為茵褥絮之下連小黑子因風而起得水溼處便生如地丁之類多不因積植於人家庭院中自然生出蓋亦如柳絮兼子而飛陳藏器之說是然古人以絮為花陶隱居亦曰花隨風狀如飛雪誤矣經中有實及子汁諸家不解今人亦不見用釋氏謂柳為尼俱律陀木其子極細子得因風而起○宋寇宗奭本艸衍義

木屬 柳 四

楊枝硬而揚起故謂之楊柳枝弱而垂流故謂之柳
蓋一類二種也蘇恭所說為是按說文云楊蒲柳也
從木易聲柳小楊也從木卯聲易音陽卯音酉又爾
雅云楊蒲柳也旄澤柳也檉河柳也觀此則楊可稱
柳柳亦可稱楊故今南人猶併稱楊柳余宗本種樹
書言順插為柳倒插為楊其說牽強且失揚起之義

明李東璧
本艸綱目

楊柳縱橫倒順插之皆生春初生柔莢即開黃蕊花
至春晚葉長生後花中結細黑子蕊落而絮出如白

絨因風而飛子著衣物能生蟲入池沼即化為浮萍
古者春取榆柳之火陶朱公言種柳千樹可足柴炭
其嫩芽可作飲湯上同

李氏曰柳與楊一類二種也楊葉圓闊而青枝條短
硬柳葉狹長而綠枝條長軟楊枝硬而揚起故謂之
楊柳枝弱而垂流故謂之柳說文云楊從木易柳從
木卯易者陽也卯者酉也觀此則楊與柳各一種也
明矣又一種蒲柳乃水楊也枝勁韌可為箭幹多生
河北柳生水旁葉粗微白木理微赤可為車轂今

人取其細條火逼令柔屈作圈椅桶籬即孟子所謂
梧捲是也魯地及河朔尤多又曰楊與柳俱縱橫順
倒杆插皆生長大高數丈春初生柔莢即開黃蕊花
至春暮葉長成後花中結細黑子柔漫而絮如白絨
因風飄飛著衣帛絨羯之類能生蛀蟲入池沼即化
為浮萍陶朱公言種柳荒圃中可足柴炭取其嫩芽
可作茶飲其絮積多可捍造氈片為茵褥臥之柔軟
養體昔趙通政以柳茵褥進閭大師上進世廟
明倪朱謨

本艸
彙言

柳易生之木也性柔脆北土最多枝條長軟葉青而
狹長春初生柔莢粗如筋長寸餘開黃花鱗次莢上
甚細碎漸次生葉至晚春葉長成花中結細子如粟
米大細扁而黑上帶白絮如絨名柳絮又名柳絨隨
風飛舞著毛衣即生蟲入池沼隔宿化為浮萍其長
條數尺或丈餘孃孃下垂者名垂柳木理最細膩又
一種幹小枝弱皮赤葉細如絲縷婀娜可愛一年三
次作花花穗長二三寸色粉紅如蓼花名檉柳一名
雨師一名赤檉一名河柳一名八柳一名三眠柳一

物類彙編
卷二十二
木屬
柳
六

名觀音柳一名長壽仙入柳即今俗所稱三春柳也
春前以枝挿之易生叶木子云大者為炭復入炭汁
可點銅成銀酉陽雜俎言梁州有赤白種則種不特
有赤又有白者矣唐曲江池畔多柳號為柳衙謂成
行列如排衙也柳條柔弱嫵娜故言細腰娥媚者謂
之柳腰明王蓋臣二如亭羣芳譜
種植正二月皆可栽諺云挿柳莫教春知謂宜立春
前也百木惟柳易栽易挿但宜水溼之地尤盛○一
法柳栽近根三二寸許鑽一竅用杉木釘拴之出其

庶小類

兩頭各二三寸埋深尺餘杵實永不生刺毛蟲且防
偷拔之患○先於坑中置蒜一瓣甘艸一寸永不生
蟲常以水澆必數條俱發雷好者三四株削去梢枝
必茂其餘皆削去同上
楊柳存在有之說文曰楊蒲柳也檉河柳也柳小楊
也通志云柳曰天棘大戴禮曰正月柳稊稊發芽也
崔寔月令曰三月三日及上除採柳絮可以愈瘡張
敞為京兆尹時罷朝會過走馬章臺街有柳終唐時
號章臺柳南史云劉俊之為益州刺史獻蜀柳數株

事物類聚 卷二十二 木屬 柳 七

枝條拂披，裊如絲縷。武帝以植太昌靈和殿前，常咨嗟歎曰：此柳風流可愛，似張緒。當年隋書云：煬帝自板渚引河築道，植以柳，名曰隋堤。一千三百里。毛詩疏義曰：蒲柳之木二種，一種皮正青，一種皮紅。又曰杞柳也，生水，莖葉粗而白，木理微赤。今人以為穀。古今注曰：白楊葉圓，青楊葉長，柳葉亦長細。移楊圓葉弱蒂，微風則大搖，一名高飛，一名獨搖。蒲柳生水邊，蒂似青楊，亦曰蒲移，亦曰移柳，亦曰水楊。枝勁而韌，可任大用。又有赤楊，霜降則葉赤，材理亦赤也。今村

居野畔，俱植白楊、赤楊。唯園圃中植青楊、移楊及柳三種，枝幹皆入畫景。并挿須帶嫩條，方活。然十必死其二、三。白楊、赤楊，隨手攀折，或老根著地，即生發，伐以為薪。云：順挿為楊，倒挿為柳。此謬語，不可信。法宜臘月并挿，交春犯蛙并時削尖，大頭以利刀劈開，其皮夾甘艸一片入土，亦不生蟲，并喜實土。浮則多凍死。明周文華致富全書

楊柳爾雅曰：檉，柎柳。檉，河柳。旄，澤柳。楊，蒲柳。又曰：桑柳，醜條。郭璞注云：檉，今河、蜀赤莖，小楊旄，生澤中者。楊可以為箭。說文曰：柳，小楊，易生之木也。

唐物類
卷之二十一
木屬

柳一名雨師一名赤柳一名人柳一名三眠柳一名觀音柳一名長壽仙人柳性柔脆北土最多枝條長軟至春晚葉長成花中結細子帶白絮如絨名柳絮又名柳絨隨風飛舞著毛衣即生蟲入池沼隔宿化為浮萍楊有二種白楊青楊白楊一名高飛一名獨搖微帶白色高者十餘丈青楊又有二種一種梧桐青楊身聳直高大一種身矮多歧枝不堪用楊與柳自是二物柳枝長脆葉狹長楊枝短硬葉圓闊明徐光啓農政全書

齊民要術曰種柳正月二月中取弱柳枝大如臂長一尺半燒下頭二三寸埋之令沒常足水以澆之必數條俱生雷一根茂者斫去餘皆別豎一柱以為依生每一尺以長繩柱欄之若不欄必為風所摧不能自立一年中即高一

丈餘其萌生枝葉即掐去令直聳上高下人任取足便掐去正心即四散下垂婀娜可愛若不掐心則枝不四散或斜或曲生亦不佳也六七月中取春生少枝種則長倍疾少枝葉青無壯疾也下田停水之處不得五穀者可以種柳八九月中水盡燥溼得所時急耕則鑿棊之至明年四月又耕熟勿令有塊即作場壟一畝三壟一壟之中逆順各一到場中寬狹正似蔥壟從五月初盡七月末每天雨時即觸雨折取春生少枝長疾三歲成椽比於餘木雖微脆亦足堪事一畝二千六百六十根三十

木屬 柳 九

唐書卷一百一十五
食貨志第五
三

畝六萬四千八百根，根直八錢，合收錢五十一萬八千四百文。百樹得柴一載，合柴六百四十八載，直錢一百文。柴合收錢六萬四千八百文。都合收錢五十八萬三千二百文。歲種三十畝，三年種九十畝，歲賣三十畝，終歲無窮。同上

陶朱公術曰：種柳千樹，則足柴十年。以後髡一樹，得一載，歲髡二百樹，五年一周。同上

憑柳可以為楮，車輞雜材及椀。同上
種箕柳法：山澗河旁及下田，不得五穀之處，水盡乾

時熟耕數遍，至春凍釋，于山陂河坎之處刈取其柳，三寸絕之，漫散即勞，勞訖引水停之。至秋任為簸箕，五條一錢，歲收萬錢。山柳赤而脆，河柳白而韌。同上

便民圖曰：種杞柳二月間，先將田用糞壅灌，厚水耕，平以柳鬚斷作三寸許，每入一握，隨田廣狹併力。一日齊種，頻以濃糞澆之，有艸即用小刀剗出，田勿令乾。八月斫起，刮去柳皮，曬乾為器。根旁敗葉掃淨，則不蛀。至臘月間，將重長小條復斫去，長者亦可為器。舊根常留。同上

雜物類聚 卷一百一十五 木屬 柳 十

齊民要術曰種白楊秋耕地熟至正月二月中以犁
作壟一壟之中以犁逆順各一到場中寬狹正似作
蔥壟作訖又以鋤掘底一坑作小壟所取白楊枝大
如指長三尺者屈著壟中以土壓上令兩頭出土向
上直豎二尺一株明年正月中剝去惡枝一畝三壟
一壟七百二十株一株兩根一畝四千三百二十株
三年中為蠶摘都格五年任為屋椽十年堪為棟梁
以蠶摘為率一根五錢一畝歲收二萬一千六百文
柴又作梁歲種三十畝三年九十畝一年賣三十畝
掃住在外

齊民要術卷之十一

得錢六十四萬八千文周而復始永世無窮比之農
夫勞逸萬倍去山遠者實宜多種千根以上所求必
備同上

白楊性甚勁直堪為屋材折則折矣終不曲撓
無不曲比之白楊不如遠矣直木
性多曲次之撓為下也○同上

謹按農桑輯要云榆性軟久無不曲比之白楊不
如遠矣且天性多曲脩直者少長又遲緩積年方
得凡屋材松柏為上白楊次之榆為下也

博聞錄曰楊柳根下先埋大蒜一枚不生蟲同上

木屬 柳 十一

唐書卷一百一十五

種樹書曰種水楊須先用木椿釘穴方入楊庶不損

皮易長臘月二十四日種楊樹不生蟲同上

術曰正月旦取楊柳枝著戶上百鬼不入家後魏賈思勰齊

民要術

龍舟既成泛江沿淮而下至大梁又別加修飾砌以七寶金玉之類於是吳越取民間女年十五六歲者五百人謂之殿腳女至於龍舟御楫即每船用綵纜十條每條用殿腳女十人嫩羊十口令殿腳女與羊相間而行牽之時恐盛暑翰林學士虞世基獻計請

用垂柳栽於汴渠兩隄上一則樹根四散鞠護河隄二乃牽舟之人護其陰三則牽舟之羊食其葉上大喜詔民間有柳一株賞一縑百姓競獻之又令親種帝自種一株羣臣次第種方及百姓時有謠言曰天子先栽然後百姓栽栽畢帝御筆寫賜垂柳姓楊曰楊柳也時舳艫相繼連接千里自大梁至淮口聯綿不絕錦帆過處香聞百里既過雍丘漸達寧陵界水勢緊急龍舟阻礙牽駕之人費功轉甚開河記江東人通名楊柳楊葉短柳葉長唐李石續博物志

無物類纂 卷一百一十五 木屬 柳 十二

柳之類亦多。柳曰天棘。南人呼爲楊柳。楊與柳實兩種。說文楊蒲柳也。柳小楊也。斬其枝橫倒曲直挿之皆生。其花謂之絮。隨風如飛雪。落地如鋪氈。故騷人之所取興也。杞柳亦曰澤柳。可爲栝椽者。爾雅曰旄澤柳。宋鄭夾漈昆蟲州木略

柳柔脆易生之木。與楊同類。雖縱橫顛倒植之皆生。然使十人植之。一人搖之。則無生柳矣。立賢之道。何以異此。又況植之之人寡而搖之之人衆乎。松柏醜茂。桑柳醜苑。詩曰苑彼桑柔。又曰苑彼柳斯。是也。蓋

凡物發而成暢。茂積而成苑。結故桑柳醜條。而其詩謂之苑也。苑柳曰有苑者。柳不尚息焉。言柳之苑非若松柏之茂未幾而衰矣。然人尚庶幾息焉。以言幽王之不可朝事。曾苑柳之不如也。東方朔集曰首陽爲拙。柳下爲工。一作柱下爲工。柱下老子柳下展禽也。二說皆通。大戴禮曰正月柳梯。梯者發字也。本州曰柳華一名絮。抱朴子曰柳柞速朽。燎以爲炭。則億載不敗。此言養生之經有益如此。故廣成子以謂我修身千二百歲矣。而吾形未嘗衰也。中朝故事云天

街兩畔槐木俗號為槐衙曲江池畔多柳亦號為柳衙意謂其成行列如排衙也今言宮腰細瘦謂之柳腰宋陸佃埤雅

楊柳二種楊樹葉短柳樹葉長花即初發時黃蕊子為飛絮今絮中有小青子著水泥沙灘上即生小青芽乃柳之苗也東坡謂絮化為浮萍誤矣宋姚寬西溪叢語焦達卿云韃靼地面極寒並無花木艸長不過尺至四月方青至八月為雪虐矣僅有一處開混堂得四時陽氣和暖能種柳一株土人以為異卉春時競至

觀之宋周密癸辛雜識續集

揚州蜀岡上大明寺平山堂前歐陽文忠公手植柳一株謂之歐公柳公詞所謂手種堂前楊柳別來幾度春風者薛嗣昌作守相對亦種一株自榜曰薛公柳入莫不之嗣昌既去為人伐之不度德有如此者宋張邦基墨莊漫錄柳花與柳絮迥然不同生於葉間成穗作鵝黃色者花也花既褪就蒂結實其實之熟亂飛如綿者絮也古今吟咏往往以絮為花以花為絮略無分別可發

雜物類集 卷二十二 木屬 柳 十四

一笑杜工部詩有雀啄江頭黃柳花又有坐憎柳絮
白於綿之句則花與絮不同顯然可見又曰糝徑楊
花鋪白氈得非又一時鹵莽而然邪宋楊伯
岳臆乘
楊柳江東人通名楊柳楊葉短柳葉長并楊柳北
方諺云根要焦火燒略焦則氣上行理到腰明慎懋官華
夷花木考
南史劉宋時薛伯宗善從癰疽公孫泰患背伯宗為
氣封之從置齋前柳樹上明旦癰疽消樹邊便起一
癰如拳稍稍長二十餘日癰大膿爛出黃赤汁斗餘
樹為之痿損氣之能使物如此今巫覡之家運神攝

氣書符呪水劾召鬼神動陰陽自是一理宋洪邁夷
堅志載溧陽巫能治骨骸長巷村人王四食鶩遭骸
五日不能下飲食且死遣子持錢詣巫即於竈內取
灰飾布地上炷香焚紙錢誦呪召神結印次以葦筒
作小犁狀耕灰中云骨甚淡凡耕至一再筒中忽微
有聲亟傾注水盃間乃驚骨也巫所居距長巷四
十里王氏子至家父已平復半日矣其病之淺者一
犁即愈戚氏云今陶吳鎮有能此術者謂之耕刺大
抵如洪所云但其巫先要親人某日食某物被鯁狀

雜物類集

木屬 柳


十五

然後行法耕之既得骨仍以裏香紙一幅付親人使
焚于家况水一盃令被鯁者飲之計其時多是耕時
痛稍輕飲水後全平復此蓋祝由之驗者攝氣運神
須其親人則易為感通以見天地間無往而非一氣
之流行一心之運用也其術雖小可以喻大故著其
事云明何孟春
餘冬序錄
李太白詩風吹柳花滿店香溫庭筠詠柳詩香隨靜
婉歌塵起影伴嬌嬈舞袖垂傳奇詩莫唱踏春陽令
人離腸結郎行久不歸柳自飄香雪其實柳花亦有

微香詩人之言非誣也明楊升
菴文集

獨石書板刷墨用帶毛兔脚廣州則大香椽厚皮又
獨石苦寒處素不產藤竹人家籬桶等用則取綿柳
條為之不異藤竹也乃知天地生物不絕生入之用
顧用之者何如爾明葉盛水
東日記

閩地最少楊柳福州城中士大夫園地邊間有一兩
株作長條拂地不能拱把明王敬美
閩部疏
柳小楊也一名天棘柔脆易生之木與楊同類斬其
枝幹雖縱橫顛倒插之皆生枝條長軟遠望之若垂



絲花即初發時黃蕊子為飛絮隨風如飛雪落地如
鋪氈今人以絮為花誤也南人呼為楊柳楊與柳實
兩種說文云楊蒲柳也柳小楊是也抑之法北方諺
云根要焦理到腰明吳元化毛詩
鳥獸艸木攷
楊柳說文曰楊蒲柳也從木易聲檉河柳也從木聖
聲柳小楊也從木卯聲爾雅曰檉河柳河旁赤莖小
楊也旄澤柳生于澤者楊蒲柳蒲柳之木二種皮正
青曰小楊皮正紅葉皆長廣曰大楊可為箭竿杞柳
生水旁樹如柳葉麤而白木理微赤今人以為車轂

今淇水旁魯國太山汶水邊路純杞柳也爾雅云楊
蒲柳所謂董澤之蒲是也今有黃白青赤四種山海
經曰均糞之谷其木多柳鳳伯之山熊山直陵之山
木多柳平丘山爰有楊柳沃民之國有白柳古今注
曰白楊葉圓青楊葉長柳葉亦尖長細移楊圓葉弱
蒂微風則大搖一名高飛一名獨搖蒲柳生水邊蒂
似青楊亦曰蒲移曰移柳按水楊蒲楊也枝勁細任
矢用又有赤楊霜降則葉赤材理亦赤也廣志云白
楊名高飛木葉大於柳明鄒善長
彙苑詳註

雜物類聚 卷之二十一 木屬 柳 十七

柳葉狹長而青枝柯長軟塉雅云柳柔脆易生之木
與楊同類雖縱橫顛倒植之皆生然使十人植之一
人搖之則無生柳矣立賢之道何以異此又況植之
之人寡而搖之之人衆乎其言婉而有味又有一種
皮如槐檀葉如樗而狹長亦生水側名樺柳八閩通志
柳有垂柳御柳煙柳福州府志
柳葉細長而青枝幹柔脆縱橫顛倒植之皆生汀州府志
柳有數種嶺外有硬柳有垂柳然稍至合抱蠹即摧
折無數十年樹肇慶府志

柳泉中園亭有種不多泉州府志

柳柔脆易生與楊同類江陰縣志

柳晉志山多赤柳故名丹楊非潤之丹陽舊志引之
誤也俗名楊柳一種枝弱下垂者名垂楊一種名西

河柳即檉也重修鎮江府志

楊柳其枝楊勁而柳柔河間府志

柳大戴禮曰正月柳禘本艸柳華名絮昔人比王恭
濯濯如春月柳又楊柳風流可愛似張緒當年然則
綠條散風清陰交陌盛弘之記中語彌足想像海澄縣志

柳土產較他邑脩挺重修靖江縣志

柳有垂柳杞柳柔脆易生葉甚茂望秋先零江九

府志楊柳之垂者萬曆杭州府志

謹按當作柳楊之垂者

水柳根治跌傷脚去皮搗碎以燒酒糟和勻以紙鋪

瓦上炊熱纏裹患處冷則另熱之再裹福寧州志

柳按本州柳花枝葉并子皆入藥用說者謂花即初發黃蕊也子乃飛絮也又謂今人謂柳為楊柳非也

說文楊蒲柳也柳小楊也蒲柳葉圓闊而赤枝條短

硬即水楊也柳葉長而狹青綠色枝條長軟與水楊

蓋異類也邵武府志

喬者楊弱者柳楊有青白赤赤近水生根鬢可柳以

護墻堤柳有大葉長葉倒垂者曰宮柳臘月斬大幹

燔下焦而淺挿之梯則歲可髡而復條肆也諺云根

空焦理到腰一株死有百株楊青白髡頭赤須長膚

青白者材可雕刻又名樺杞柳白阜葉亦似楊材供

劑劑 樺葉漆阜材中切版○ 清院桐方氏物理小識

楊柳陶朱公云種柳千株可足柴炭臘月取青嫩枝高如馬低如瓦隨地扦插即活喜實土浮則凍死春初生黃蕊春晚葉長花老絮出因風而飛著衣物則化為蟲入池沼則化為萍又一種箕柳宜栽河坎之所冬月水涸時灌以麩麩之黃泔春凍釋刈取三寸長枝條栽之引水停蓄至秋收之可為簸箕山柳赤而脆河柳白而韌清石巖逸叟增定致富奇書柳葉初淡黃久之漸綠裊娜風流柔若不勝而藏鶯滯燕帶雨棲煙種種丰神足供幽人韻賞大葉者

名榆柳尖葉者名楊柳別有遠神者為宮柳倒樹者成垂柳而西河其別種也雨中可扦插清沈賦名花譜柳一名宮柳一名垂柳本性柔脆北土最多枝條長軟葉青而狹長初春生柔莢粗如筋長寸許開黃花鱗次莢上甚細碎以漸生葉至暮春葉長成花中結細子如粟米大扁小而黑上帶白絮如絨俗名柳絮隨風飛舞凡著毛衣即生蛀蟲入池沼即化浮萍此乃宮柳也若叢葉成陰長條數尺或至丈餘孃孃下垂者此為垂柳雖無香艷而微風搖蕩每為黃鸝嬌

語之鄉吟蟬托息之所入皆取以悅耳娛目乃園林
 中必需之木也種法在臘月斫大幹燔其下焦而并
 之如劈開其皮夾甘艸一片入土則不生蟲瘻土宜
 實種後若不動搖雖縱橫顛倒挿之盡活乃最易生
 之物也昔人因其花似絮故有飛綿飛絮寒無用如
 雪如霜暖不消之味清陳溪子
秘傳花鏡

庶物類纂木屬卷之十三目次

垂柳

宮柳

本草綱目
卷之五
木部
垂柳

垂柳

一名楊柳開河記
一名垂楊羣芳譜
一名蜀柳致富

全書

俗名眉也柰已

本草綱目
卷之五
木部

木屬
垂柳

唐書卷一百一十五
禮書卷一百一十五
禮書卷一百一十五
禮書卷一百一十五
禮書卷一百一十五

垂柳

柳其長條數尺或丈餘孌孌下垂者名垂柳木理最

細膩明王蓋臣二如亭羣芳譜

諸書所言水楊蓋水柳之譌也惟垂柳作垂楊據小

說係隋煬賜姓未知信否同上

龍舟既成泛江沿淮而下至大梁又別加修飾砌以

七寶金玉之類於是吳越取民間女年十五六歲者

五百人謂之殿腳女至於龍舟御楫即每船用綵纜

十條每條用殿腳女十人嫩羊十口令殿腳女與羊

雜物類集

木屬 垂柳 二

相間而行牽之時恐盛暑翰林學士虞世基獻計請用垂柳栽於汴渠兩隄上一則樹根四散鞠護河隄二乃牽舟之人護其陰三則牽舟之羊食其葉上大_喜詔民間有柳一株賞一縑百姓競獻之又令親種帝自種一株羣臣次第種方及百姓時有謠言曰天子先栽然後百姓栽栽畢帝御筆寫賜垂柳姓楊曰楊柳也時舳艫相繼連接千里自大梁至淮口聯綿不絕錦帆過處香聞百里既過雍丘漸達寧陵界水勢緊急龍舟阻礙牽駕之人費功轉甚開河記

南史云劉俊之為益州刺史獻蜀柳數株枝條拂披

裊如絲縷武帝以植太昌靈和殿前常咨嗟歎曰此

柳風流可愛似張緒當年明周文華致富全書

蜀柳枝條甚長狀若絲縷明沈萬鈞詩經類考

隋煬帝御筆寫賜垂柳姓楊曰楊柳也見開河記此

好事者為之也詩昔我往矣楊柳依依宋玉釣賦倚

乎楊柳之間子虛賦朱楊注郭璞曰楊柳可證其安

又吳武王楊行密諱杏為甜梅是以行杏同音也今

讀行作平聲者非又行密以父名恁謂與夫同音迺

木屬 垂柳 三

于御史大夫光祿大夫之類皆去夫字此尤可笑也

明田藝衡
雷青日札

謹按古之所謂楊柳者蓋水楊也或合楊與柳之二木而言亦不可知也自隋以來所謂楊柳乃垂柳也田氏所駁為未當也

柳俗名楊柳一種枝弱下垂者名垂楊重修鎮江府志

柳一種垂柳絲絲下垂可觀嘉興縣志

柳若叢葉成陰長條數尺或至丈餘瓊瓊下垂者此為垂柳雖無香艷而微風搖蕩每為黃鸝嬌語之鄉

吟蟬托息之所入皆取以悅耳娛目乃園林中必需之水也

清陳誤子
秘傳花鏡

柳貴乎垂不垂則可無柳柳條貴長不長則無瓊娜之致徒垂無益也此樹為納蟬之所諸鳥亦集長夏不寂寞得時聞鼓吹者是樹皆有功而高柳為最總之種樹非止娛目兼為悅耳目有時而不娛以在臥榻之上也耳則無時不悅鳥聲之最可愛者不在人之坐時而偏在睡時鳥音宜曉聽人皆知之而其獨宜于曉之故人則未之察也鳥之防弋無時不然卯

辰以後是人皆起人起而鳥不自安矣慮患之念一
生雖欲鳴而不得鳴亦必無好音此其不安于晝也
曉則是人未起即有起者數亦寥寥鳥無防患之心
自能畢其能事且捫舌一夜技癢于心至此皆思調
弄所謂不鳴則已一鳴驚人者是也此其獨安于曉
也莊子非魚能知魚之樂葦翁非鳥能識鳥之情凡
屬鳴禽皆當呼予為知己種樹之樂多端而其不便
于雅人者亦有一節枝葉繁冗不漏月光隔蟬媚而
不使見者此其無心之過不足責也然匪樹木無心

人無心耳使于種植之初預防及此畱一線之餘天
以待月輪出沒則晝夜均受其利矣清李漁問
情偶奇

雜物類纂 卷之三
木屬 垂柳 五

庶類編
卷一
三

宮柳

俗名和烏施打禮

庶類編
卷一
三

木屬
宮柳

周勃
物類
卷之三

宮柳

柳有大葉長葉倒垂者曰宮柳清皖桐方氏物理小識

柳大葉者名榆柳尖葉者名楊柳別有遠神者為宮

柳倒樹者成垂柳而西河其別種也清沈賦名花譜

柳一名宮柳一名垂柳本性柔脆北土最多枝條長

軟葉青而狹長初春生柔莢粗如筋長寸許開黃花

鱗次莢上甚細碎以漸生葉至暮春葉長成花中結

細子如粟米大扁小而黑上帶白絮如絨俗名柳絮

隨風飛舞凡著毛衣即生蛀蟲入池沼即化浮萍此

植物類編

木屬 宮柳 二

乃宮柳也。若叢葉成陰，長條數尺，或至丈餘，孌孌下垂者，此為垂柳。雖無香艷，而微風搖蕩，每為黃鸝嬌語之鄉，吟蟬托息之所，人皆取以悅耳娛目。乃園林中必需之木也。種法在臘月斫大幹，燔其下，焦而扞之，如劈開其皮，夾甘艸一片入土，則不生蟲，墜土宜實種。後若不動搖，雖縱橫顛倒，挿之盡活，乃最易生之物也。昔人因其花似絮，故有飛綿、飛絮、寒無用、如雪、如霜、暖不消之咏。清陳誤子秘傳花鏡

庶物類纂木屬卷之十四目次

楊

庶物類纂

木屬目次

魚物類集

楊

略 一名蒲柳爾雅 一名水楊唐本 一名蒲楊昆蟲木

無物類集

卷十四

木屬

楊

唐
物
類
彙
編
卷
之
一
四

楊

楊、蒲柳

爾雅

可以為箭，左傳所謂董澤之蒲。

晉郭璞爾雅註

楊一名蒲柳，生澤中，可為箭筈。註云：左傳所謂董澤

之蒲者，案左傳宣十二年晉楚戰于邲，晉師敗績，楚

熊負羈囚，知罃、知莊子以其族反之，廚武子御，下軍

之士多從之，每射，抽矢，葢納諸廚子之房，廚子怒曰：

非子之求，而蒲之愛，董澤之蒲，可勝既乎？杜註云：董

澤之蒲，河東聞喜縣東北有董池，陂既盡也，是其事。

也宋邢昺爾雅疏

楊蒲柳水楊也可為箭筈葉圓闊樹與柳相似故名楊柳采薇所謂楊柳依依左氏所謂董澤之蒲即此也宋鄭夾漈爾雅註

今注水楊葉圓闊而赤枝條短硬多生水岍傷樹與楊柳相似既生水岍故名水楊也唐本先附○嘉祐補註本岍

按陸璣詩疏云蒲柳有二種一種皮正青一種皮正白可為矢北土尤多花與柳同明李東璧本岍綱目

水楊根治癰腫故近人用枝葉治痘瘡魏直博愛心

鑑云痘瘡數日陷頂漿滯不行或風寒所阻者宜用

水楊枝葉無葉用枝五斤流水一大釜煎湯溫浴之如冷漆湯良久照見粟起有暈緣者漿行也如不滿

再浴之力弱者只洗頭面手足如屢浴不起者氣血敗矣不可再浴始出及痒塌者皆不可浴痘不行漿

乃氣滯血滯腠理固密或風寒外阻而然浴令暖氣透達和暢鬱蒸氣血通徹每隨暖氣而發行漿貫滿

功非淺也若內服助氣血藥藉此升之其效更速風寒亦不得而阻之矣直見一姬在村中用此有驗叩

庶物類纂 卷十四

得其方行之百發百中慎勿易之誠有燮理之妙也
蓋黃鍾一動而蟄蟲啓戶東風一吹而堅冰解腹同
一春也羣書皆無此法故詳著之上同

按李仲南永類鈴方云有人治乳癰持藥一根生搗
貼瘡其熱如火再貼遂平求其方乃水楊柳根也葛
洪肘后方治乳癰用柳根則楊與柳性氣不遠可通
用也上同

蘇氏曰爾雅稱楊為蒲柳其枝勁韌可為箭筈左傳
所謂董澤之蒲今河北沙地多生之楊柳二種其類

亦多崔氏云白楊葉圓青楊葉長而細楊葉短而粗
水楊葉似青楊粗莖亦可作矢赤楊霜後則葉赤然
今人鮮能分別又曰水楊葉圓闊而尖枝條短硬柳
葉狹長枝條長軟楊與柳原各別也明倪朱謨
本州彙言
青楊樹比白楊較小亦有二種一種梧桐青楊身亦
聳直高數丈大者徑一二尺材可取用葉似杏葉而
稍大色青綠其一種身矮多歧枝不堪大用北方材
木全用楊槐榆柳四木是以人多種之楊與柳自是
二物柳枝長脆葉狹長楊枝短硬葉圓闊迥不相侔

庶物類纂 卷十四 木屬 楊 四

唐詩類集 卷十四

而諸家多將楊柳混稱甚至稱為一物者緣南方無楊故耳柳性耐水楊性宜旱諸書所言水楊蓋水柳之譌也惟垂柳作垂楊據小說係隋煬賜姓未知信否至於春月飛絮落水作萍亦與柳同但其稊頗粗大耳明王蓋臣二如亭羣芳譜青楊又有二種一種梧桐青楊身聳直高大一種身矮多歧枝不堪用楊與柳自是二物柳枝長脆葉狹長楊枝短硬葉圓闊明徐光啓農政全書蒲柳有兩種皮正青者曰小楊其一種皮紅正白者

曰大楊其葉皆長廣似柳葉皆可以為箭斨故春秋傳曰董澤之蒲可勝既乎今人又以為箕籬之楊也

唐陸璣毛詩州木鳥獸蟲魚疏

水楊曰楊柳詩云楊柳依依又云蒲柳爾雅云楊蒲柳其條可為箭斨故左傳云董澤之蒲崔豹云水楊即蒲楊任天用或言翟苻亦水楊也宋鄭夾深昆蟲州木略西樓有蒲瀕水叢生一葉如柳長不盈尋丈用以作箭不矯作而堅左氏所謂董澤之蒲是也宋葉隆禮遼志世說蒲柳之質望秋先零蒲水楊也三齊地記無椽

無物類纂 卷十四 木屬 楊 五

唐中葉集卷之四

縣有秦王繫馬踏蒲堪為箭非菖蒲之蒲也若然豈堪繫馬又中為箭乎爾雅楊蒲柳其言可證矣明楊升菴

集文

水楊湯專治痘出陷頂漿滯不行或為風寒久剋者如初出收斂時俱不宜痒塌破損亦如之水楊柳五斤淨洗春冬用枝秋夏用枝葉剉斷用右用長流水一大釜入楊枝在內煎六七沸先將三分中一分置浴盆內手試不甚熱亦不可太溫先服宜用湯藥然後浴洗患者漸漸添湯不可太冷浴洗久許乃以油

紙捻燈照之纍纍然有起勢陷處暈暈有絲此漿影也漿必滿足如不滿又浴如前法若力弱者只浴洗頭面手足可也若不赤體不厭其多洗少壯亦然燈照如無起勢氣血敗則津液枯矣可以輟洗論曰痘毒不能行漿乃陰陽二分氣濕血滯腠理固密精氣雖盛不易疏通所以有是患也須以水楊湯浴洗待其閉塞之處暖氣透逼發泄和暢鬱蒸氣血斯其漿可易成也洗浴之間燈影之下觀其痘不覺隨手而發功效豈淺淺哉且服藥不過助氣血以成功耳然

無勿頭集 卷之四 木屬 楊 六

藥力差緩，殆難頓爾達其手足面目。若服藥後而更以此湯沃之，其藥氣藉此外提，可不克豁萬竅，功效如此。烏得為風寒所阻，而致溝成大患耶？且洗之法，必添湯久沃，使其暖透骨肉，通理內外，斯毒氣隨暖氣而發行，漿貫滿，豈不如其反掌也耶？彼風寒尚可得而中乎？予曾行醫村落，民家見一老嫗抱患痘小兒，以此湯沃之，其痘頂陷，初未漿足。至次日，又往觀之，則漿行已滿矣。予因扣之，彼已忘其所來。至家數里，轉行轉悟，其理遂得。殆即黃鍾一動而凍蟄啓戶，東

風一吹而堅冰解腹，始雖二物，竟則同一春也。及觀羣書，皆無此法。其後以是行之，百發百中，遂著為外治之法，傳告于世。少補救急之一助云。治者慎勿易而廢之，誠可謂有燮理調和之妙道也。

魏直博
愛心鑑

謹按博愛心鑑所用水楊柳葢蒲柳也。又按明萬全世醫心法云：水楊湯治倒陷之良方。水楊即忍冬藤也。春冬用枝，秋夏用枝葉。判斷用長流水一大釜煎六七沸，先將三分中一分置浴盆內，以手試不甚熱，亦不可太溫。先服空用湯藥，然後浴洗。

漸漸添湯以痘起發光壯為度不拘次數清費啓
泰救偏瑣言云水楊湯治痘板實不鬆或發紅或
紫黯八九日不行漿甚至有作痒者以此湯浴之
取水楊柳連枝帶葉剉斷四兩長流水十數杓煎
十數滾去渣將三分之一傾于腳桶內以手探之
不可太熱亦不令太溫先以應服之藥服之而後
浴其湯漸漸添下浴後以細絹收乾逾時以燈照
之隱隱鬆浮漿脚動矣冬月宜於帷帳中更備脚
爐旺火于兩旁不使寒侵為妙此柳生於水灘四

月間纔有其柳不生焉枝長者三尺許粗者如細
篠其葉較垂楊葉尚厚帶有白意至五月葉下開
細細紫花者是此名水楊柳非忍冬藤亦非等閒
柳樹也須預備風乾得用其性最能活血脈利筋
骨大人有患拘攣手不能握足不能步者用酒煎
服不能酒者水煎其効有靈氣查諸書其水楊不
同如此醫家何所適從恐三物雖不同然其主療
則無或遠也故諸書因所經驗而執其說也
水楊湯浴洗痘瘡最妙水楊柳生於溪邊細小叢生

者是也。亦有用苑內栽培觀音柳者。春冬枝條秋夏連枝葉對斷。用長流水一鍋入楊柳在內煎六七沸。將三分中一分入浴盆內。以手試之。不要太熱。不要太寒。先要用過升表藥或內托藥。然後將兒浴洗。漸加湯浴。畢抱置溫暖處。勿令見風。以紙擦照法。照看若隱隱有起發之意。此佳兆也。再洗以痘起發光壯為度。若不見起發。不見紅綻。則津液枯矣。不必再洗。若無水楊。以忍冬藤代之而可。明翟良痘科類編釋意

謹按明萬全世醫心法云。水楊湯治倒陷之良方。

水楊即忍冬藤也。是說似誤矣。當以翟氏說為正。水楊柳春冬用枝。秋夏用枝葉。生水邊細葉紅梗枝。上有圓果。滿果有白鬚散出。明龔居中係赤全書

水楊柳生水邊細葉紅梗枝。上有圓果。滿果有白鬚散出。俗名水楊柳。明孫一奎赤水玄珠

水楊柳生水邊細葉紅根者是也。清馮兆張錦囊祕錄

謹按根當作梗。

庶
小
类
第
一
卷
第
一
册



